



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: nps@bih.net.ba
website: www.nps.ba

URED DIREKTORA
Sarajevo, 24.11.2008.godine

SAOPĆENJE ZA JAVNOST

DECEMBAR/PROSINAC
U ZNAKU *TRAVIATE* I *POBJEDE*

Decembar/prosinac u Narodnom pozorištu Sarajevo biće izuzetno dinamičan i po broju, ali i po kvalitetu izvođenja predstava sva tri ansambla Narodnog pozorišta Sarajevo. Sam početak mjeseca rezerviran je za spektakularnu izvedbu velikog opernog naslova – Verdijeve *Travijate*.

Pod dirigentskim vođstvom Andrije Pavlića, pod režijskim vođstvom Ogniana Draganoffa, u kostimografiji Vanje Popović i sa scenografskim rješenjima Marijele Hašimbegović, na pozornici centralne teatarske kuće u Sarajevu i BiH solisti Adema Pljevljak-Krehić, Aida Čorbadžić-Valka, Ki Sun Kim, Armando Puklavec, Denis Isaković, Melisa Hajrulahović, Zana Staniškovska, Jasmin Bašić, Ivan Šarić, Dario Grbić, Dragan Pavlović, Leonardo Šarić, Elvir Solak, Danijel Žontar i Dragana Ilić, uz Hor Opere Narodnog pozorišta Sarajevo i Balet Narodnog pozorišta Sarajevo, te uz pratnju Sarajevske filharmonije čaroban ugođaj *Traviate* unijet će u ovo predblagdansko doba...

Drugoga dana velikog muslimanskog blagdana Bajrama na programu Drame Narodnog pozorišta je *Balada o Omeru i Merimi* Ferida Sokolovića u režiji Sulejmana Kupusovića.

Dragi gosti sarajevske publike i Narodnog pozorišta Sarajevo, oduvijek su bili dubrovački glumci...

Tako će 10.12. na pozornici Narodnog pozorišta Sarajevo Kazalište Marina Držića iz Dubrovnika izvesti poznatu dramu Iva Vojnovića *Suton*, u režiji prof. Joška Juvančića.

Samo dan kasnije, 11.12. biti će izvedena jedna od repriza nove hit predstave Baleta Narodnog pozorišta Sarajevo *Plavo*, u koreografiji Keith-Derrick Randolpha.

Popularna predstava Male scene/*An Face Ponoćna igra* Dubravka Jelačića Bužimskog na repertoaru je 13.12.

Samo dan kasnije u Narodnom pozorištu Sarajevo deset godina postojanja obilježit će Vokalni ansambl *Alegro*.

I od publike i od kritike odlično ocijenjena baletna predstava *Pepeljuga*, Štrausa, mlađeg, biće na programu u posljednjem mjesecu ove godine...

U povodu katoličkog blagdana Božića zajednički koncert priređuju Narodno pozorište Sarajevo, HKD *Napredak* i Sarajevska filharmonija, a 20.12. biće izvedena nova premijera Drame Narodnog pozorišta Sarajevo *Pobjeda*, Lade Kaštelan, rađena prema antičkim tragedijama, a u redateljskom čitanju mlade Selme Spahić, kojoj će to biti debi u centralnoj bh.teatarskoj kući.

Na repertoaru je i nekoliko izvođenja popularnih predstava Drame Narodnog pozorišta, koje uvijek ispune dvoranu do posljednjeg mjesta: *Balade o Omeru i Merimi Sokolovića* i *Legende o Ali-paši Čolakovića*.

Treba naglasiti da će u ovom mjesecu predstava *Balada o Omeru i Merimi* gostovati u Banovićima i u Kaknju.

Ovu kalendarsku i teatarsku godinu Narodno pozorište Sarajevo okončat će izvođenjem *Tvrđave* Meše Selimovića u režiji Sulejmana Kupusovića, te tradicionalnim Novogodišnjim koncertom, u izvedbi Opere Narodnog pozorišta Sarajevo i Sarajevske filharmonije.

Tvrđava će biti na repertoaru 29.12, a posljednjeg dana u godini gledaoci koju budu željeli da se na prelazu dviju godina druže sa umjetnicima *Kuće na Obali* imaće priliku prisustvovati Svečanom koncertu 31.12.2008.godine.

Ovako bogat repertoar *Kuće na Obali* garantira ugodan provod za sve one gledatelje koji odaberu Narodno pozorište kao mjesto svog susreta sa umjetnošću.

PRESS SLUŽBA NARODNOG POZORIŠTA SARAJEVO